



職方典第一千三百十五卷

韶州府部彙考一

韶州府建置沿革考

府志

本府

韶州禹貢揚州之南境秦闢嶺表屬南海郡漢高帝十一年以南海郡屬南粵趙佗據南粵因封之漢武帝元鼎五年粵相呂嘉反使伏波將軍路博德出桂陽下湟水與諸將擊南粵六年平粵以曲江湞陽浚滄三縣屬桂陽郡隸荊州二漢俱屬桂陽郡三國屬吳黃武五年徙交州治交趾郡分合浦以北爲廣州以曲江湞陽浚滄三縣屬焉甘露元年分桂陽南海郡地置始興郡晉大康中平蜀及平吳遂以始興郡屬廣州仍統縣七曲江始興中宿陽山桂陽浚滄陽內五縣自桂陽郡分立始興析曲江置中宿宿自南海隸永嘉元年分始興桂陽南海等九郡置湘州咸和三年復以始興郡屬荊州宋元徽四年更郡名曰廣興改浚滄曰浚滄齊復名郡曰始興領縣十隸廣州更始興縣曰正階梁天監元年於浚滄縣置衡州仍分廣州之始興

等郡隸焉天監初廢置不可勝紀如始興縣爲安遠郡翁源縣爲清遠郡桂陽郡爲陽山郡後廢復以浚光爲陽山置衡州分漬陽縣地置翁源縣又復正階縣曰始興縣天監七年分曲江北境置梁化縣卽今樂昌十七年分梁化縣置平石縣承聖初以始興郡爲東衡州尋廢浚光之衡在西故以此爲東陳大建二年復置東衡州隋平陳廢陽山郡改衡州曰涇州尋廢涇州爲浚縣廢漬陽入曲江縣開皇二十年移廣東總管府於南海廢大庾縣入始興縣仁壽元年置番州唐志韶州本番州圖經載以薛道衡爲番州刺史于州治創逍遙臺謝肇淩記鄧文進爲番州刺史移州治於水西韶嘗爲總管府旣移總府於南海故於此置番州也大業初廢爲南海郡唐高祖武德四年分廣州之曲江始興樂昌翁源縣置韶州韶之名自此始貞觀二年更韶州爲番州又改名東衡州六年復名韶州統縣六曲江樂昌仁化始興漬昌翁源光宅元年分始興置漬昌垂拱四年分天下爲十道以韶州隸嶺南道分曲江北境置仁化縣改漬昌爲保國天寶三年又改韶州爲始興郡七年復爲韶州廣德初呂大一反廣州置韶州刺史兼韶連郴都團練使以控扼南海事平復舊唐末姦盜竄起梁乾化元年虔州防禦使盧光稠

起義兵以虔韶二州入於梁光稠沒僞漢劉隱據廣州稱南漢至劉晟乾和四年分韶之湓昌始興二縣置雄州于湓陽置英州宋太祖皇帝開寶三年潘美平韶州四年俘劉鋹嶺南悉平改保國爲保昌兼始興縣爲南雄州隸廣東路六年以浚光隸英州五年省仁化入樂昌咸平三年復立仁化縣治於光宅鄉宣和二年以岑水場析曲江縣翁源縣地置建福縣以韶州領縣五曲江漢縣樂昌隋縣翁源梁縣建福仁化唐縣紹興元年建曲江縣於城南門乾道三年分曲江縣西境樂昌縣南境立乳源縣於虔塘陞英州爲英德府領湓陽浚光二縣元至元十五年改立韶州路總管府英德路總管府并翁源縣入曲江以翁源治立巡司二十三年廢湓陽浚光二縣降英德爲州隸廣東元帥府分曲江縣戶五千三百餘置新民官司大德二年以翁源隸英州尋復隸韶州路五年陞英州爲路置浚光湓陽二縣至大元年廢湓陽浚光二縣以英德爲州延祐六年併翁源入曲江於是一路所統者曰曲江新民仁化樂昌乳源亦五縣焉明罷新官司歸曲江縣洪武元年改韶州路爲府改英德州爲縣置翁源俱屬韶州府領縣六曲江樂昌乳源英德翁源仁化今

皇清因之

曲江縣

附郭

漢置屬桂陽郡吳爲始興郡治隋廢郡以縣屬南海郡又廢湟陽縣入焉唐於縣置番州貞觀初改韶州又以臨龍良化二縣省入宋元仍舊明因之編戶四十里

樂昌縣

在府城西北八十里本漢曲江縣地梁置梁化縣又分置平石縣隋開皇中以平石縣省入梁化尋改曰樂昌屬番州唐宋元俱屬韶州明因之編戶一十三里

仁化縣

在府城東北八十里本曲江縣地唐垂拱中置仁化縣屬廣州後屬韶州宋初省入樂昌縣咸平中復置元仍舊明因之編戶六里

乳源縣

在府城西一百里本曲江樂昌二縣地宋乾道初以韶州諸縣不通水道遂於州頭津置乳源

縣元仍舊明因之編戶六里

翁源縣

在府城東南九十里本漢桂陽郡湓陽縣地梁置翁源縣陳又置清遠郡隋廢郡以縣屬廣州唐屬韶州元改英德路明仍屬韶州府編戶十里

英德縣

在府城西南二百二十里秦爲南海郡地漢置湓陽縣屬桂陽郡隋省入曲江縣唐初置涯州領浚涯湓陽二縣尋廢州以縣屬廣州南漢於湓陽縣置英州宋州仍舊慶元初陞英德府元改爲路明改州爲英德縣及改今屬編戶十里

桂陽縣界

湖廣郴州界

連州陽山縣界



廣州府界

韶州府疆域考

府志

本府

東至南雄府始興縣界一百五十里 西至連州陽山縣界四百五十里 南至廣州府

清遠縣界三百七十里 北至湖廣郴州桂陽縣界三百二十里 東南至惠州府界三

百八十里 西南至廣州府界四百五十里 東北至南雄府界二百三十里 西北

至湖廣郴州界二百五十里至

京師七千三十五里 東西相距六百里南北相距五百九十里

曲江縣

附郭

東抵始興縣界一百五十里 西抵乳源縣界六十里 南抵英德縣界一百一十里

北抵仁化縣界八十五里 東西廣二百一十里南北袤一百九十五里

樂昌縣

東抵仁化縣界六十里 西抵乳源縣界一百二十六里 南抵乳源縣界六十里

北抵湖廣郴州桂陽縣界一百五十里 東南抵曲江縣炎嶺界三十里 西南抵本縣

榮村接乳源界四十里 東北抵仁化土頭嶺界七十里 西北抵湖廣宜章魚家塘界

一百五十里 自縣治達府水路一百里陸路八十里至省城陸路五百九十里水程九百

二十里至

京師七千一百三十里 東西廣一百八十五里南北袤二百一十里

仁化縣

東抵曲江縣界一百里 西抵樂昌縣界六十里 南抵曲江縣界一十五里 北抵

桂陽縣界一百二十里 自縣治達府陸路八十里水路一百二十里至省城陸路五百九

十里水程九百二十里至

京師七千一百三十里 東西廣一百六十里南北袤一百二十五里

乳源縣

東抵曲江縣界三十里 西抵陽山縣界一百四十里 南抵英德縣界一百二十五里

北抵樂昌縣界二十五里 東南至分水四十五里通英德縣 西南至大橋村二百

九十里通陽山縣 東北至榮村一百二十里通樂昌縣 西北至胡家村三百二十里

通宜章縣 自縣治達府陸路一百里水路一百六十里自水口達省會陸路五百九十里

水路十驛八百二十里至

京師八十四驛七千一百三十五里 東西廣一百七十里南北袤一百五十里

翁源縣

東抵連平州界一百七十里 西至英德縣界三十里 南至英德縣界三十里 北

至始興縣界八十里 東南至長寧縣界一百五十里 東北至江西龍南縣界三百五

十里 西北至曲江縣界七十里 自縣治達府城陸路一百八十里水路四百五十里

東西廣二百二十里南北袤一百九十里

英德縣

東抵翁源縣界一百三十五里 西抵陽山縣界一百五十里 南抵清遠縣界一百五

十里 北抵曲江縣界二百一十里 東南隅至長寧縣交界遙田臘溪一百三十五里

西南隅至清遠縣交界官人嶺一百一十五里 東北隅至翁源縣交界九龍峒一百二十

里 西北隅至乳源縣交界大布一百八十里 自縣治至府陸路二百二十里水路三

百里 東西廣二百八十五里南北袤三百六十里

形勝附

府總

韶治曲江襟帶五邑東則翁山盤踞西則桂嶺巉峴英岡列障於南韶石排雲於北瀆武二江
匯而南下樂瀧瀆峽不減聖塘交廣之咽喉湖湘之唇齒 羊城瀕海地形稍下若失上游
之險則水陸皆有建瓴之懼趙佗絕南安橫浦桂陽湟水二關漢武徙曲江瀆陽浚滙內屬桂
陽守者先固其外取者先奪其內籌度勝勢大略相同然則爲粵東門戶計不容不加意於此
矣劉晟置英雄二州頗悉地利佗於仁化百二十里擇地築城以壯橫浦者蓋樂乳翁英接壤
於楚而仁化之山兼通南安今南雄別治爲韶州門戶計亦所宜知也

韶州府星野考

府志

府總

前漢書粵地牽牛婺之分野也今之蒼梧鬱林南海日南皆粵分也

晉書自南斗十二度至須七度爲星紀於辰在丑吳越分野屬揚州

唐書初南斗九度中南斗二十四度終女四度自韶廣以西朱崖以東爲星紀之次屬揚州

史牛宿六星三星主南越明則王道昌

一統志韶州屬牛女之分星紀之次

天文書熒惑主楚越丙主楚戊主吳越

東坡詩四時皆是夏一雨便成秋蓋爲粵東總標之耳韶州外連江楚內交廣惠無嶺北之嚴寒和分風露無海南之恆燠涼兼冰雪舊志稱曲江山川夷曠風氣稍平樂昌仁化次之翁源乳源英德又次之 又云秋冬宜寒而或熱春夏宜熱而或寒青草黃茅二瘴卽土著亦有染者大抵冬不甚寒而春寒夏不甚熱而秋熱似與嶺北氣候較遲耳風鳶之戲嶺北在八九

月嶺南在二三月則地氣升降不獨稍遲亦似相反而韶郡之風薦與南雄俱同嶺北則古之屬隸桂陽者豈亦有說邪

翁源志云翁邑萬山嵐氣四合晝夜不開

仁化志云雲氣鬱蒸日高乃散

樂昌志云地近炎方而山多陰靄晝溫夜涼蓋晨露晞而寒色未收未日昃而陰風已切則所苦正坐濕淫耳漢書謂揚越之民耐暑未盡然也 龍荔少遂稼圃後實皆與南海不同

韶州府山川考

府志

本府

曲江縣附郭

皇岡山郡北三里連接貂蟬石繞出筆峰之後高峻端整儼如屏障舊傳舜南巡奏樂於此因祀舜於皇岡之麓名其水曰皇潭泉曰虞泉山頂舊有翠華亭今發祠下有舜峯寺卽祀舜齋沐之地唐韓昌黎明解縉有詩 筆峰山郡後一里郡主山也初名筆峯後人呼帽子峯以

其端圓如帽宋紹興間舍人朱翌屏居有登帽峯序淳熙間郡守梁世安創亭於上曰整冠又

薙草得斷碑畢文簡公登筆峯詩始知爲筆峯今詩序皆無存明成化十五年知府王賓於半山創觀風亭商輅記嘉靖元年知府周敘重建觀風半山二亭隨廢七年通判符錫始建八角亭於山頂顏曰鳳來植松夾道十七年復由岡丞出守作石闕修復觀風半山二亭崇禎九年知縣潘復敏重修有詩

芙蓉山郡西五里相傳山舊有芙蓉得名漢末康容煉丹於此山半有石室巔有玉井泉近時泉出半山石罅井泥可療小兒頭瘡居民取之有驗唐許渾有句云宋玉含悽夢亦驚芙蓉山響一猿聲明知府符錫有九日登山次韻詩

韶石山郡北四

十里相傳舜奏樂於此其石有三十六名曰左闕曰右闕曰寶蓋曰奏樂曰樓閣曰駱駝曰三峯曰鳳閣曰侍石曰左毬門曰新婦曰獅子曰大香爐曰小香爐曰太平曰馬鞍曰虹霓曰富曰石曰石井曰朝仙曰盤龍曰圓曰石鐘曰石船曰石硯曰石帽曰石桃曰羅仙曰上魚鱗曰下魚鱗曰石倉曰石廩曰石田曰二使韶之山多奇而韶石爲最雙闕又爲韶石之絕奇者挺拔百餘仞旁有香爐花瓶二石狀皆怪異餘不可勝紀逶迤而爲曲紅岡有諸詩

南華

山郡南六十里潯溪都溪水迴環峯巒奇秀唐儀鳳元年六祖盧惠能傳黃梅衣鉢後於此建

寺 桂山郡西四十里郡之望山也盤礴方廣百餘里其上多桂山因以名詳侯司空廟碑

虎榜山郡南四十五里臨江有石高十餘丈闊五十餘丈形如張榜俗稱虎榜山明知府周叙改名回龍山 玉山郡東北五里相傳昔人得玉璞於此故名 越王山郡北六里俗呼

爲白虎山南越王劉鋹之墓在焉 石頭山郡北十三里山上有石高峻有二聖真身下建

石頭寺 浮嶽山郡北二十里具地躡一處則百步內皆動後沒於溪水 靈鷲山郡東

北四里舊多虎一名虎市晉義熙中有天竺僧居而虎絕房融謫官過此有詩 鳳凰山郡

西五十里脈接桂山 錢石山郡東八十里湘州記云曲江縣東有錢石山三面壁立其狀

如臺其上多碎石如錢 鳳儀山郡南六十里形如鳳舞頗爲秀麗故名 四拜山郡南

六十里四山與鳳儀山相對 大峒山郡北五十里山有石洞闊十餘丈 蓮花峯郡南

五里狀如蓮花拱揖郡治舊城建於瀘水東卽此山下 貂蟬嶺郡北五里山頂石突起如

貂蟬俗云雞冠石石上有洞一竅通天 書堂巖郡東十五里白茫渡相對巖洞劃然泉清

石潔曲江公嘗讀書於此元志有元次山題名朱新仲跋云次山好奇所至遇佳山水必加雅

目使從此出涪臺漢溪遂傳不朽今次山題刻不存惟新仲題名猶在

招隱巖郡西四十

里宋新州盧居士隱其中提刑耿南仲書招隱二字勒於石編修程文德有題

紫薇峒郡

西北二十里宋朱翼謫居韶州放意山水遇父老指示始得遊此可容數百人

奇石郡西

南六十里旁皆平地石獨立五十餘丈

湏水卽郡城東河源出大庾嶺經烏逕入保昌縣南流至郡城與武水合漢征南粵樓船將軍

入湏水卽此因晉置湘州遂謂湘江今濂溪書院地卽古湘江書院

武水卽郡城西河源

出郴州臨武縣經宜章南流入樂昌又流百里經府治西南與湏水合古名虎溪唐改今名孔

平仲句云簫韶有餘韻流入武溪中

皇潭水在皇岡嶺下合武水澄瑩可愛

桂水郡

西北四十里源出桂嶺下東流與武水合

目嶺水郡北百里巖間有石穴出水有童子眼

黑白分明

修仁水郡東二十里下流謂之五渡水西流數里與武水合南齊時有三楓亭

臨其上梁范雲爲郡守嘗遊此有詩

梨溪水郡東九十里源出始興縣東坑嶺西流合湏

水溪岸多棠梨故名

宣溪水郡南八十里源出羅坑唐韓愈有詩

潯溪水郡南四十